

18 June 2024

1700 Hrs

ایوٹننگ گو جری نیو ز بلیٹن مو رخہ 18 جون 2024

\*\*\*\*\*

یوہ آکا شوانی جموں بے محمد امین انجم تے ظفر اقبال تیں خبر سُنو۔ پہلاں خاص خاص خبر۔

\*\*\*\*\*

1★ وزیر اعظم نریندرمو دی نے گرام پنچائتاں نانہہ کہیو جے ویں مکمل صحت واسطے یوگا اور موٹا اناج نانہہ بابدو دیں۔

2★ وزیر اعظم نریندرمو دی 10 واں بین القوامی یوگا تہاڑا تقریبات غی سرینگر مانہہ قیا دت کریں گا۔

3★ وزیر اعظم گا 21 جون دورہ غے مدِ نظر سرینگر مانہہ حفاظت غا مناسب انتظامات کیا جا رہیا ہیں۔

4★ تے جموں کشمیر غا بانڈی پو رہ ضلع مانہہ کل اک ٹاکرا غے دوران ہلاک ہون آلو دہشت گرد اک سیرا غو دہشت گرد تھو۔

\*\*\*\*\*

خبران غی تفصیل نال پہلاں محمد امین انجم۔

PM Gram

وزیر اعظم نریندرمو دی نے گرام پنچایت سربراہاں نانہہ کہیو بے جے ویں یوگا بارے لوکاں مانہہ بیداری عام کر غے اس تحریک نانہہ اُن غی قیا دت دیں۔ گرام پردھاناں غے ناں اک خط مانہہ وزیر اعظم نے کہیو جے پنچایتی اداراں، سکولاں، آنگن واڑی مرکزناں، کمیونٹی صحت مرکزناں اور دوجی ایسی جگہ لوکاں نانہہ تحریک دین واسطے کم کریں گی۔ 10 واں بین القوامی یوگا تہاڑا با رے گرام پنچائتاں غا تمام باشنداں نانہہ مبارکباد پیش کرتاں واں جناب مو دی نے اس پروگرام نانہہ یوگاغا اک عالمی اثر با رے منیو تے اس غو مثبت اثر اُجاگر کیو۔ وزیر اعظم نے یوہ وی کہیو جے یوگا مُلک غی قدیم ثقافت غو تحفو بے۔ اُنہاں نے کہیو جے یوگا ہم نانہہ جسمانی تے ذہنی طو مضبوط بناوے۔

\*\*\*\*\*

PM Kissan

وزیر اعظم نریندرمو دی اج اُن غا اپنا پا رلیمانی حلقہ غو دورو کر رہیا ہیں، ویں اج وارانسی مانہ پی ایم کسان سمان سمیلن مانہ حصو لے رہیا ہیں۔ کاشی وِشوناتھ مندر مانہ پوجا اور درشن کرن تیں پہلاں وزیر اعظم گنگا آرتی مانہ حصو لیں گا۔ حلقہ مانہ رات قیام کرن تیں بعد وزیر اعظم پلک بہا ر چلا جا ئیں گا۔ آکا شوانی غا نمائندہ نے رپورٹ ٹوری بے جے تیجی با ر وزیر اعظم غا عہدہ غو حلف لین تیں بعد جناب مو دی غو یوہ پہلو وارانسی دورو بے۔ تیجی با ر وزیر اعظم بنن تیں بعد جس پہلی فائل ور دستخط کیا تھا واہ کسان سمان ندھی غی 17 ویں قسط جا ری کرن با رے فائل تھی۔ جس تیں سرکا ر غی کساناں غی بہبود با رے عزم غی عکا سی بوے۔ اس واعدہ نانہ جا ری رکھتاں واں وزیر اعظم اج 20 ہزار کروڑ تیں متی رقم ور مشتمل تقریباً 9 عشاربہ 26 کروڑ مستفید کساناں غا حق مانہ پردھان منتری کسان سمان ندھی غے تحت وزیر اعظم براہ راست روپیہ منتقل کریں گا۔ اس سکیم غے تحت بُن توڑی 11 کروڑ تیں متا اہل کسان کُنباں نے 3 عشاربہ 04 لکھ کروڑ روپیاں غا فائدہ وصول کر لیا ہیں۔ تقریب غے دوران وزیر اعظم 30 ہزار تیں متی سند کریشی سکھی غے طو ر ور تقسیم کر رہیا ہیں۔ یوہ سرٹیفکیٹ کو رس ”لکھ پتی دیدی“ پروگرام غا مقاصد غی صف بندی بے۔

\*\*\*\*\*

#### PM Yoga Day

وزیر اعظم نریندرمو دی اس مہینہ غی 21 تا ربخ نانہ سرینگر مانہ 10 واں بین القوامی یوگا تہاڑا غا پروگرام مانہ حصو لیں گا۔ اس با ر یوگا با رے بین القوامی تہاڑا غو موضوع ”یوگا خود اور سماج واسطے“۔ اج نویں دہلی مانہ اخباری نمائنداں نال گل کرتاں واں مرکزی وزیر برائے آیو ش پر تاپ راؤ جادو نے زور پایو جے اس سال غو موضوع یوگا غو دوبرو کردار اُجاگر کرے۔ اُنہاں نے کہیو جے یوگا جسمانی، ذہنی تے رُوحانی ترقی واسطے کم کرے۔

\*\*\*\*\*

#### PM Yoga Ustrana

وزیر اعظم نریندرمو دی نے اج اُسترا آسن غی اک ویڈیو جھلکی سانجھی کی۔ جس غی مدد نال پٹھ تے گردن مضبوط بو ئے نالے خون غی گردش اور انکھاں غی روشنی مانہ بہتری آوے۔ بین القوامی یوگا تہاڑا غی 10 ویں قسط با رے یاہ ویڈیو بکھ بکھ اقدام غی تفصیل ظاہر کرے۔

\*\*\*\*\*

#### Sri Lanka Yoga

یوگا مہاتسو غا اک حصہ غا طو ر ور سری لنکا مانہ بہارتی ہائی کمیشن نے اک یوگا اجلاس لایو۔ اج غا پروگرام غو موضوع تھو ”بہتری واسطے یوگا“ یوہ یوگا اجلاس 10 روزہ یوگا مہاتسو غا اک حصہ غا طو ر منعقد ہو رہیو ہے۔

\*\*\*\*\*

#### PM Yoga Security

بین القوامی یوگا تہاڑا غا سلسلہ مانہ بشمول مشہو ر کھلاڑیاں تقریباً 6 ہزار لوک وزیر اعظم نریندرمو دی سنگ پروگرام مانہ حصو لیں گا۔ اس سلسلہ مانہ حفاظت غا مناسب انتظامات کیا گیا ہیں۔ سرکار ی ذریعہاں غے مطابق وزیر اعظم شیر کشمیر بین القوامی کنونشن کمپلیکس ایس کے آئی سی سی مانہ 10 واں بین القوامی یوگا تہاڑو مناویں گا۔

\*\*\*\*\*

#### PM MKB

وزیر اعظم نریندرمو دی نے اج کہیو ہے جے اُن غو من کی بات ماہانہ ریڈیو پروگرام 30 جون تیں پھر شروع ہو رہیو ہے۔ وزیر اعظم نے لوکاں نانہ اپیل کی جے ویں اپنا خیالات ٹوریں۔ وزیر اعظم نے لوکاں نانہ کیو ہے جے ویں ما ئی گوو اپن فورم، نمو ایپ، یاہ پھر فون نمبر ور اپنا پیغام ریکارڈ کراسکیں۔ اس سلسلہ مانہ نمبر اس طرح ہے۔ 1800117800۔

\*\*\*\*\*

یہ خبر تم آکا شوانی جموں تیں سُن رہیا ہیں خبراں غا باقی حصہ نال ظفر اقبال۔

#### Encounter

حفاظتی دستاں نے دسیو ہے جے جموں کشمیر غا ضلع بانڈی پورہ مانہ گذشتہ کل تصادم مانہ ماریو گیو دہشت گرد لشکرِ طیہ تے ٹی آر ایف سنگ منسلک تھو۔ سرینگر مانہ اک پریس کانفرنس سنگ گل کرتاں واں 3 سیکٹر غا برگیڈٹر اٹل تیاگی نے دسیو ہے جے ماریا گیا دہشت گرد غو ناں عمر لون تھو جہیڑو ج گذشتہ کل اراگام گراں مانہ فوج تے سی آر پی ایف غی سانجھی کا روائی مانہ ماریو گیو ہے۔ یا د رہ جے یوہ دہشت گرد سال 2018 توں سرگرم تھو جہیڑو لشکرِ طیہ تے ٹی آر ایف تنظیم غا اے ضمیرہ مانہ آوے تھو۔ جناب اٹل نے دسیو ہے اس دہشت گرد با رے کجھ اطلاع ملن توں فوج غی نفری نے گھیرو تنگ کر غے اس نانہ لوژن غی کوشش کی جس دوران اس نے فوج ور گولی چلا دی۔ اسے دوران حفاظتی دستاں تے اس دہشت گرد غے

بشکار جھڑپ شروع ہو گئی۔ جس توں بعد عمر لون نے نامی یوہ دبشت گرد اس تصادم مانہہ بلاک ہو گیو۔

\*\*\*\*\*

#### Jatinder Roads JK

حکومت نے جموں کشمیر مانہہ سڑکاں غا اہم منصوباں نانہہ منظوری دتی ہے مرکزی وزیر ڈاکٹر جتندر سنگھ نے یاہ گل گذشتہ کل میڈیا سنگ کرتاں واں کہی۔ جناب جتندر نے دسیو جے نیشنل بائی وے اتھارٹی آف انڈیا لکھن پور توں بسوبلی، بنی توں بہدرواہ ڈوڈہ تک اک نویں قومی شاہراہ غی تعمیر غو کم شروع کرے گی۔ کٹھوعہ ایکسپریس راہ داری سکیشن تے چتھر گلا ٹنل غو کم این ایچ اے آئی کرے گی۔ قابل ذکر ہے جے اس کم نانہہ مکمل کرن واسطے 4 ہزار کروڑ روپیہ لگیں گا۔ جناب سنگھ نے دہلی، کٹڑ ایکسپریس با رے جانکاری دیتاں واں دسیو ہے جے یوہ کم مکمل ہون غے نیڑے لگ گیو ہے۔ انہاں نے قومی شاہراہ کشتواڑ، چھاترو تے چینی، سدھ مہا دیو قومی شاہراہ پروجیکٹ ور کم مزید تیز کرن وروی زور پایو۔

\*\*\*\*\*

#### NSA India US

بھارت اور امریکہ نے حکمت عملی ٹیکنالوجی حصے داری با رے اگلا حصہ واسطے نظریو طے کیو ہے۔ اس سلسلہ مانہہ کل نویں دہلی مانہہ جناب ڈووال نے اُن گا ہم عہدہ سنگ میٹنگ کی۔ واٹ ہاؤس نے کہیو ہے جے دوہاں فریقان نے تعاون با رے واعدہ غی اہمیت ظاہر کی ہے۔ آئی سیٹ میٹنگ غے نال دوہاں ملکاں قومی سلامتی با رے مشیران نے صنعت با رے اک گول میز میٹنگ بلائی۔ جس مانہہ سی ای اوز اکھٹا کیا گیا۔ دوہاں مشیران نے سرکاراں مانہہ تعاون بدھان ور رضامندی ظاہر کی ہے۔

\*\*\*\*\*

#### SSKSB Reasi

ریا سی شیو کھوڑی شرائین بورڈ غا وائس چیرمین نے ضلع ریا سی غی تحصیل پونی مانہہ موجو د بھگوان شیو غی پو تر گفہ غا درشن کرن واسطے آن آلا تمام یا تریاں نانہہ ہدایت کی ہے جے وے ادھار کارڈ تے مو بائل رابطہ نمبر غی فوٹو کا پی شیو کھوڑی شرائین بورڈ مانہہ جمع کراویں۔ جس ویلے وے اُتوں اندراج سلپ لیں۔ انہاں نے کہیو جے ادھار کارڈ غی فوٹو کا پی نہ دین آلاں نانہہ اندراج پرچی نہیں لے گے۔

\*\*\*\*\*

## IMD Weather

بھارتی محکمہ موسمیات نے لوکاں واسطے اک راحت غی خبر سناتاں واں دسیو ہے جے شمال مغربی تے مشرقی بھارت مانہہ تیز لو توں مُلک غا لوکاں نانہہ اج توں راحت لبے گی۔ آکا شوانی سنگ گل کرتاں واں آئی ایم ڈی غا سائینسدان سوما سین رائے نے دسیو ہے جے سمندر غا مغربی حصہ توں آلی آلی بارش غی وجہ پنجاب تے ہریانہ مانہہ اج توں موسم غا ٹھنڈا رہن غی اُمید ہے۔ ڈاکٹر رائے نے مزید دسیو ہے جے آتا 3 تہاڑاں مانہہ بمالیہ، مغربی بنگال تے شمال مشرقی علاقان مانہہ مچ بارش ہو سکے۔

\*\*\*\*\*

## Fitch Rating GDP

فیچ ریٹنگ نے بھارت غی ترقی با بدہ بارے جانکاری دیتاں واں دسیو ہے جے مُلک غی ترقی رواں سال مارچ مہینہ مانہہ 7 فیصد تھی جھپڑی جے اس ویلے 7 عشریہ 2 فیصد ہو گئی ہے۔ یا درہ جے اس غے بدن غے پچھے لوکاں غی بدھتی خرید و فروخت تے خرچ دسیو جا رہیو ہے۔ قابل ذکر ہے جے فیچ ریٹنگ گلوبل اکنامکس آؤٹ لک غی رپورٹ ہے جھپڑی جے اج جا ری ہوئی ہے تے اس رپورٹ نے عالمی دُنیا مانہہ ترقی با بدہ غی شرح مالی سال 2024 واسطے 2 عشریہ 4 توں بدھا غے 2 عشریہ 6 دسی ہے۔ اس رپورٹ نے مزید دسیو ہے جے چین نے اپنا مُلک مانہہ مال بنا غے دوجا مُلکاں نانہہ بیچن مانہہ مزید بابدو دیکھیو ہے۔ رپورٹ مانہہ مزید دسیو گیو ہے جے اس طرح غا مثبت قدم چان توں عالمی سطح ور ملکاں مانہہ آن آلا سالان مانہہ مالی حالت میں بہتری وے گی۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔